

POVELJA O PORODICI

Budući da je porodica prva instanca za izgradnju čovjeka, opstanak ljudske vrste i njeno produžavanje, i budući da je današnje ljudsko društvo u velikoj potrebi za usađivanjem vrijednosti i za očuvanjem porodične veze i njenoj zaštiti od rascjepa i propadanja...

Budući da je današnja porodica izložena golemim opasnostima i da se suočava s velikim izazovima na svim nivoima, koji bi je mogli potpuno uništiti...

S obzirom na isprepletenost relacija među ljudima, kulturološku i civilizacijsku i pravnu povezanost među njima preko međunarodnih sporazuma i ugovora čije se negativne implikacije odražavaju na sva ljudska društva, pa tako i na ono islamsko, čija religijska kultura izražava iznimno poštivanje institucije porodice i okružuje je čitavim sistemom moralnih vrijednosti i pravnih regulativa koje joj održavaju snagu i osiguravaju efikasnost...

Donosimo ovu povelju, utemeljenu na univerzalnim principima, sukladnim ljudskoj prirodi i nebeskim zakonima, koje je potvrdio i islamski vjerezakon i koji je kompatibilan s kulturološkim pluralizmom, čije poštivanje je potvrđeno poveljom Ujedinjenih nacija.

Prvo poglavlje: Definicija porodice i njeni ciljevi

Član 1:

Definicija porodice

Porodica je društvena jedinica koju čine muškarac i žena, koje na dobrovoljnoj osnovi povezuje pravni bračni ugovor, uspostavljen na principima pravde, dobročinstve, međusobnog potpomaganja i dogovaranja, te na ljubavi i milosti.

Član 2:

Porodica je sastoji od supružnika i djece, ukoliko ih bude.

Član 3:

Ciljevi porodice, a oni su sljedeći:

- 3.1 Zaštita i moralna čistota supružnika i čuvanje časti,
- 3.2 Očuvanje potomstva i psihička, socijalna i zdravstvena biga o njemu,
- 3.3 Opstojnost ljudske vrste,

- 3.4 Spokoj, psihička stabilnost, ljubav i milost,
- 3.5 Izgradnja stabilnog i sigurnog ljudskog društva,
- 3.6 Udovoljavanje potrebe za porodičnom pripadnošću.

Drugo poglavlje: Osnove porodice i njihove funkcije

Član 4:

Porodica se bazira na slijedećem:

- 4.1 ravnopravnosti u pravima i obavezama među supružnicima, kojom će se ostvarivati pravednost, pravičnost i dobrobitnost,
- 4.2 ravnopravnosti u porijeklu nastanka, ljudskog dostojanstva, pravne i društvene kapacitiranosti i finansijske neovisnosti,
- 4.3 međusobnom dogovaranju i konsultiranju.

Član 5:

Zadaci porodice:

- 5.1 Učestvovanje u općem razvitku: intelektualnom, društvenom, ekonomskom i političkom,
- 5.2 Materijalna i nematerijalna briga o njenim članovima u primarnim i sekundarnim stvarima,
- 5.3 Rad na osiguravanju uvjeta za psihičku stabilnost i zdravstvenu zaštitu njenih članova,
- 5.4 Unaprjeđivanje potencijala njenih članova: intelektualnih, fizičkih, psihičkih, emocionalnih – odgojem, obrazovanjem i legitimnom razonom.

Treće poglavlje: Dijete i prava djeteta u porodici

Član 6:

Definicija djeteta je: Djetinjstvo obuhvata period od formiranja zametka do dostizanja punoljetnosti.

Član 7:

Prava djeteta u porodici sastoje se od:

- 71. prava na život, opstanak, nenanošenja štete i nenasrtanja na njega, počevši od nastanka fetusa,

7.2 prava pripadnosti zakonskim roditeljima i pripadnosti svom vjerskom, kulturnom i društvenom identitetu,

7.3 prava na dojenje i neugrožavanje zdravlja njega ili njegove majke,

7.4 prava na njegu u smislu potpune skrbi u svim materijalnim i nematerijalnim stvarima, što se produžava i u slučaju razvoda,

7.5 prava na izdržavanje koje obuhvata: hranu, piće, odjeću, stan, te troškove školovanja, liječenja, razonode i svega što nalaže običaj i ustaljena praksa, što se produžava i u slučaju razvoda, i sve za čim djeca imaju potrebu,

7.6 prava na skrbništvo, koje podrazumijeva brigu o njemu i njegovom imetku, sve dok ne dostigne svoju zrelost,

7.7 prava na zaštitu od svakog vida fizičkog i psihičkog zlostavljanja, tjelesnog iskorištavanja i angažiranja u nešto izvan zakonom predviđenog okvira, te seksualnog zlostavljanja, trgovanja tijelom i prisilne deportacije,

7.8 prava na odrastanje na zdravoj duhovnoj osnovi i moralnim vrijednostima,

7.9 prava na odgajanje na duhovnoj uravnoteženosti i domovinskoj pripadnosti, te ljudskom zajedništvu, zasnovanom na međusobnom potpomaganju i pravednom miru,

7.10 prava na usađivanje samoodržanja i duhovnog i psihičkog razvijanja,

7.11 prava na odgajanje u neporočnosti i izbjegavanju devijantnih oblika ponašanja i seksualnih odnosa izvan institucije braka, te razvijanja svijesti o opasnosti nečega takvog.

Četvrto poglavlje: Proširena porodica

Član 8:

8.1 Proširena porodica je ona koja obuhvata ostale bližnje i rodbinu,

8.2 Proširena porodica se zasniva na:

8.2.1 vrijednostima rodbinstva, dobročinstva, ljubavi i međusobne samilosti,

8.2.2 pružanju materijalne i moralne podrške i socijalne solidarnosti – naročito onima u potrebi, starima, licima s posebnim potrebama unutar njihovih porodica i njihovu nezanemarivanju,

8.2.3 osiguravanju dostojanstvenog života osobama s posebnim potrebama,

8.2.4 popravljanju međuljudskih odnosa,

8.2.5 dobročinstvu prema bližnjima generalno, po osnovi rodbinstva, i popravljanje relacija među njima u slučaju njihova poremećaja, te sudjelovanju sa njima u njihovim radostima i žalostima,

Peto poglavlje: Sistem porodice

Član 9:

Brak je pravni ugovor između muškarca i žene i jedini je način zasnivanja porodice.

Član 10:

Sklapanje braka zasniva se na slobodi izbora između muškarca i žene i na njihovom uzajamno lijepom i korektnom odnosu.

Član 11:

Sklapanje braka se uvjetuje doraslošću supružnika i njihovom sposobnošću za preuzimanje odgovornosti.

Član 12:

Sklapanje braka povlači za sobom međusobna prava i obaveze koje se imaju ispoštovati.

Član 13:

Muškarac preuzima obavezu izdržavanja porodice shodno svojim mogućnostima i potencijalima, uz preporuku da u izdržavanju porodice učestvuje i žena, ukoliko je imućna.

Član 14:

Porodica je zajednička institucija, te odgovornost upravljanja njome pada na oba supružnika, s tim da je muškarac odgovorniji i o porodici treba da brine u okviru dogovaranja, međusobnog zadovoljstva, pravednosti, mudrosti, ljubavi i lijepog odnosa.

Član 15:

Upravljanje porodicom temelji se na harmoniji i međusobnom nadopunjavanju uloga.

Član 16:

Prava i dužnosti unutar porodice raspoređuju se prema specifičnosti i prirodnoj različitosti među članovima a na temelju jednake vrijednosti i u okviru uzajamnog poštovanja, uz izbjegavanje svega što bi moglo sugerirati nejednakost ili omalovažavanje.

Član 17:

Roditelji kod svoje djece imaju pravo na dobročinstvo, pažnju i lijep odnos.

Član 18:

Svi oblici nasilja, grubosti i nanošenja štete među članovima porodice su zabranjeni.

Član 19:

Sklapanje braka treba se obaviti pred zvaničnim organom, kako bi prava bila zagarantirana.

Šesto poglavlje: Okončavanje bračne veze

Član 20:

Bračna veza se u principu zasniva na namjeri da traje neprekidno, a kada više nije moguće tu vezu održavati i kada se iscrpe sva sredstva i prođu sve etape da se ona održi, pribjegava se razvodu.

Član 21:

U situaciji kad dođe do razvoda, razvod mora biti legitiman i realiziran na korektan način.

Član 22:

Kad bračnu vezu više nije moguće nastaviti, muž je dužan brakorazvodnu parnicu sprovesti uz korektan odnos. Supruga takođe ima pravo na razvod ili odrješenje od muža.

Član 23:

Kod izbijanja nesloge i razlaza, prije nego dođe do razvoda angažirat će se dvojica presuditelja iz porodica supružnika, da pokušaju popraviti njihov odnos i pomiriti ih.

Član 24:

Kad se već desi razvod, definira se njegova vrsta i vodi se računa o nalogima takvog razvoda – na lijep način – i čuvaju se prava članova porodice koja proizlaze iz njega.

Sedmo poglavlje: Odgovornost države i lokalnih institucija u zaštiti porodice

Član 25:

Država je odgovorna za realizaciju slijedećeg:

25.1: Osiguranje ustavne i pravne zaštite porodice,

25.2 Uključivanje socijalnih organizacija u rješavanje porodičnih problema,

25.3 Obezbeđivanje stambenog skloništa za ženu i djecu u slučaju da ostanu bez doma uslijed razvoda ili smrti,

25.4 Voditi računa o onom što je najbolje za djecu u njihovu školovanju i udovoljiti njihovim materijalnim i moralnim potrebama,

25.5 Propagiranje kulture zdrave porodice koja će pridonijeti sreći porodice i osigurati joj stabilnost i trajanje,

25.6 Mobiliziranje građanskih institucija da odigraju svoju ulogu u pripremi onih koji se odluče za brak: da preuzmu odgovornost za porodicu i otvaraju bračna savjetovišta i miriteljska vijeća,

25.7 Olakšavanje zasnivanja braka i podsticanje na nj.

Osmo poglavlje: Nasljeđivanje, testament i zadržavanje žene u muževoj kući

Član 26:

Nasljeđivanje se zasniva na pravednosti, integritetu i odgovornosti.

Član 27:

Imovina koja ostane iza umrlog dijeli se onima koji na nju polažu pravo. Nije dozvoljeno bilo kojeg nasljednika lišiti njegova prava u nasljedstvu i onemogućiti mu raspolaganje njime.

Član 28:

Testament se tretira kao gest dobrostivosti i prema njemu će se odnositi shodno vladajućim pravilima.

Član 29:

Žena koja je dobila razvod ili čiji je muž umro ostat će u kući, kako bi se očuvale rodbinske veze i uvažilo njeno psihičko stanje.